



# O'zbekiston Ovozi

Ijtimoiy-siyosiy gazeta

t.me/uzbekiston\_ovozi\_gazetasi facebook.com/uzbekistonovozi instagram.com/uzbekiston\_ovozi www.uzbovozi.uz info@uzbovozi.uz



## НАЗОРАТ ВА АМАЛИЙ ЁРДАМ

Хақиқий ҳаёт ўзи қандай? Шаҳар ва қишлоқлардаги реал манзарага назар ташласак, нимани кўрамиз? Одамларнинг кайфияти-чи? Чекка ҳудудлардаги аҳолининг юрагига қўл солсак, уларнинг кўнглидан қандай гаплар, орзу-мақсадлар сизиб чиқади?

4-5 САҲИФАЛАРДА

» БУГУНГИ СОНДА

### ҚУЙИ ПАЛАТА ДЕПУТАТЛАРИ САЙЛОВЧИЛАР ҚУЗУРИДА

ШУ КУНЛАРДА ОЛИЙ МАЖЛИС ҚОНУНЧИЛИК ПАЛАТАСИ ДЕПУТАТЛАРИ ҲУДУДЛАРДА САЙЛОВЧИЛАР БИЛАН УЧРАШИБ, УЛАРНИНГ ЯШАШ ШАРОИТИ, ФУҚАРОЛАРНИ ТАШВИШГА СОЛАЁТГАН МАСАЛАЛАР БИЛАН ҚИЗИҚМОҚДА. МУҲИМИ, АНИҚЛАНГАН МУАММОЛАР ДЕПУТАТЛАРНИНГ ЁРДАМИ БИЛАН ТЕЗ СУРЪАТДА ИЖОБИЙ ЕЧИМИНИ ТОПИБ, ҲУДУДЛАРНИНГ ИЖТИМОЙ-ИҚТИСОДИЙ РИВОЖИГА МУНОСИБ ҲИССА ҚўШАДИ. БУНДАН ТАШҚАРИ, ПАРЛАМЕНТ ВАКИЛЛАРИ АМАЛГА ОШИРИЛАЁТГАН ИСЛОҲОТЛАР САМАРАДОРЛИГИНИНГ ЖОРИЙ ҲОЛАТИ, ЖОЙЛАРДАГИ ВАЗИЯТНИ, УСИШ СУРЪАТЛАРИНИ ЯНАДА ЖАДАЛЛАШТИРИШГА ОИД ТАКЛИФЛАР, ФИКР-МУЛОҲАЗАЛАРНИ ҲАМ УРГАНИБ БОРМОҚДА.

2

АСОСИЙ СТАВКА ЙИЛЛИК 13,5 ФОИЗ:

2026 ЙИЛ ОХИРИДА 5 ФОИЗЛИК ИНФЛЯЦИОН ТАРГЕТГА ЭРИШИЛАДИ

8



### ЭЛЕКТОРАТ МАНФААТИ

## ФРИЛАНС, МАСОФАВИЙ ИШ: ОДАМЛАР ҚАЕРДА, ҚАНДАЙ ВА ҚАЙСИ ВАҚТДА ИШЛАШИ МУҲИМ ЭМАС...

БУГУН СИРДАРЁДА БАХТИЁР ДУШАЕВНИ КўПЧИЛИК ТАНИЙДИ. ҚАҲРАМОНИМИЗ КУНДУЗИ МЕБЕЛСОЗЛИК, КЕЧҚУРУН НОВВОЙЛИК БИЛАН ШУҒУЛЛАНИБ КЕЛГАН. 2016 ЙИЛ ТУНДА ИШДАН ҚАЙТАЁТГАН ҚАҲРАМОНИМИЗ БАХТСИЗ ҲОДИСАГА УЧРАГАН.

6



### СИЁСИЙ ПУЛЬС. МУНОСАБАТ



## ИЖТИМОЙ ҲАЁТИМИЗДА ҚАЛ ҚИЛУВЧИ ЖАРАЁН

7

## МАҚСАД – ЭЛЕКТОРАТ МАНФААТЛАРИНИ ИЛГАРИ СУРИШ

ЮРТИМИЗДА МАВЖУД СИЁСИЙ ПАРТИЯЛАРНИНГ ҲАР БИРИ ЎЗ ҒОЯ ВА ТАШАББУСЛАРИ, САЙЛОВОЛДИ ДАСТУРИ ҲАМДА УНИ АМАЛГА ОШИРИШГА ҚАРАТИЛГАН ЧОРА-ТАДБИРЛАР РЕЖАСИ АСОСИДА ФАОЛИЯТ ОЛИБ БОРАДИ. ЎЗБЕКИСТОН ХАЛҚ ДЕМОКРАТИК ПАРТИЯСИ ЭСА ЎЗ ДАСТУРИЙ МАҚСАДЛАРИНИ АВВАЛО, ИЖТИМОЙ ҲИМОЯ, ИЖТИМОЙ ТЕНГЛИК ВА ИЖТИМОЙ АДОЛАТ ҒОЯЛАРИ УСТИГА ҚУРГАН.

3 САҲИФАДА









## ХДП ФАОЛЛАРИ ХУДУДЛАРДА



# НАЗОРАТ ВА

## ХУҚУҚЛАР БОР, ЛЕКИН УЛАРНИ АМАЛДА ҚЎЛЛАШ МЕХАНИЗМЛАРИ ЕТАРЛИ ЭМАС

**Аброр ҚУРБОНОВ,**

**ЎзХДП Марказий Кенгаши бошқарма бошлиғи:**

– Ўтган давр мобайнида ногиронлиги бўлган инсонларни бошқа фуқаролар билан тенг равишда ўз ҳуқуқлари ва эркинликларини рўёбга чиқариш имкониятини берувчи қўшимча шарт-шароитлар яратилди. Ногиронлиги бўлган шахсларнинг ҳуқуқларини ҳимоя қилишга қаратилган қонунчилик янада такомиллаштирилди. Хусусан, ногиронлиги бўлган шахслар билан яқиндан ишлаш, уларга моддий ёрдам кўрсатиш, уларни маданий ва спорт тадбирларида иштирок этишлари учун шароитлар яратиш бўйича олиб борилаётган ишлар эътирофга лойиқдир.

Аммо шунга қарамай, ногиронлиги бўлган шахсларни қўллаб-қувватлаш борасида Бухоро вилоятида эътибор марказидан четда қолаётган бир қатор муаммолар борлигидан кўз юмолмаймиз.

Масалан, энг катта муаммолардан бири бу вилоятда ногиронлиги бўлган шахслар учун реабилитация маркази мавжуд эмаслигида. Ҳаттоки, вилоятдаги туман (шаҳар) тиббиёт бирлашмаларида ва бошқа даволаш-профилактика муассасаларида ногиронлиги бўлган шахсларни мақсадли реабилитация қилишга ихтисослашган бўлимлар ҳам йўқ.

Маълум бўлдики, ҳозир вилоятда 54 713 нафар ногиронлиги бўлган инсонлар бор. Шундан деярли тенг ярми реабилитация потенциали юқори бўлган шахсларни ташкил этади. Лекин, вилоятда реабилитация тизими мавжуд бўлмаганлиги сабабли, 11021 нафар ногиронлиги бўлган шахслар кўриқдан ўтказилиб, бошқа вилоятларга юборилиб, шулардан бор-йўғи 216 нафари тўлиқ реабилитация ва 248 нафари қисман реабилитация қилинган, холос.

Бундан ташқари, вилоят инфратузилмаси ногиронлиги бўлган шахслар учун тўлиқ мослаштирил-

маган. Ишчи гуруҳи томонидан ўрганиш вақтида барча объектларда кўзи оқизлар учун тактил йўлаклар йўқлиги маълум бўлди. Кўпгина объектларнинг кириш қисмида тўсиқлар мавжуд ёки эшиклар тор ва тор пандуслар ногиронлар арава-часидан фойдаланадиган одамларнинг бино ичига киришига имкон бермаслиги, кўпгина маданий объектлар, меҳмонхоналар ва диний мажмуаларда пандуслар, тактил йўлаклар, лифтлар ва мослаштирилган ҳожатхоналар йўқлиги, автотураргоҳларда ногиронлар учун махсус жойлар етишмаслиги, кириш жойлари кўпинча зинапо-лардан иборат бўлиб, ногиронлар аравачасида ҳаракатланишни қийинлаштираётгани маълум бўлди.

Биз муаммоларни шунчаки, ўз ҳолига ташлаб қўймоқчи эмасмиз. Ушбу масала электротизимиз манфаатлари билан боғлиқ, бунга беварақ қарашга ҳаққимиз йўқ. Вилоятда ўрганилган муаммолардан келиб чиқиб, партиямиз ишчи гуруҳи томонидан бир қатор чора-тадбирларни амалга ошириш режалаштирилди.

Аввало, партиямиз фракцияси томонидан Ижтимоий ҳимоя миллий агентлиги билан биргаликда ногиронлиги бўлган шахсларни реабилитация қилиш тизимини янада такомиллаштириш масаласини ҳар томонлама ўрганиш ва ўрганиш якунларини фракция мажлисида соҳа вакиллари билан биргаликда муҳокама қилиш белгиланди. Вилоят инфратузилмасини ногиронлиги бўлган шахслар учун мослаштириш масаласини маҳаллий Кенгашлар сессияларида масъул ташкилотлар иштирокида кўриб чиқиш ва тегишли қарорни қабул қилиш режалаштирилди. Сессия қарори ижроси устидан партиа томонидан депутатлик ва жамоатчилик назорати ўрнатилди.

Бундан ташқари, вилоятда ногиронлиги бўлган шахслар учун ташкил этилган Мурувват уйлари-нинг модий-техник базасини янада яхшилаш масаласини ҳам сессияларда муҳокама қилиш кўзда тутилмоқда.



## ПЕНСИЯ ТАЪМИНОТИГА ДОИР МАЪЛУМ БИР ЭЪТИРОЗЛАР БЎЛДИ...

**Мавжуда ҲАСАНОВА,**

**ЎзХДП Марказий Кенгаши бошқарма бошлиғи:**

– Яхши ўзгаришлар ҳақида узоқ гапириш мумкин. Ҳаётнинг талаби эса ўз устимизда ишлаш, муаммоли ҳолатларни ҳал этишдан, ишимизни янги даражага кўтаришдан иборат.

Жойларда одамлар бугун партиаларни яхши танийди, ҳар бирининг мақсад-вазифасини яхши билади, деб айтолмаймиз. Ҳозир ҳаёт бандпарвоз гапларни қабул қилмайди. Қуруқ рақамлар билан фақат ўзимизнинггина алдамиз мумкин. Қачонки, ҳар бир ҳудуд ва соҳадаги реал манзара, асл ҳолат ўрганилиб, муаммо юзга чиқсагина мутасадди ташкилотларнинг масъулияти, ҳисобдорлиги ҳам ошади. Шу мақсадда ишчи гуруҳимиз Бухоро вилояти-

нинг барча туманларида назорат-таҳлил ишларини олиб борди.

2025 йилнинг 1 январь ҳолатида вилоятда 260 590 нафар пенсия олувчи сифатида бюджетдан ташқари Пенсия жамғармаси бўлимларида ҳисобда туради. Уларнинг 213 128 нафари ёшга доир пенсия, 35 439 нафари ногиронлик пенсияси, 12 023 нафари боқувчисини йўқотганлик нафақасини олади. Вилоятда пенсия олувчиларга жами 81 нафар ходим хизмат кўрсатиб келмоқда.

Ўрганишлар давомида ечимини кутаётган бир қатор долзарб муаммолар аниқланди. 2024 йил давомида 648 та ҳолатда 958,9 млн. сўмлик қонун ва тартиб бузилиш ҳолатлари аниқланган бўлиб, ҳозирда ундириш ишлари амалга оширилиб келинмоқда. Бундан ташқари, 32 ҳолатда 44,8 млн сўмлик ўзлаштириш ҳолатларига ҳуқуқий баҳо бериш юзасидан ҳуқуқни муҳофаза қилувчи ва назорат органлари иш олиб бормоқда.

Ҳақиқий ҳаёт ўзи қандай? Шаҳар ва қишлоқлардаги реал манзарага назар ташласак, нимани кўраемиз? Одамларнинг кайфияти-чи? Чекка ҳудудлардаги аҳолининг юрагига қўл солсак, уларнинг кўнглидан қандай гаплар, орзу-мақсадлар сизиб чиқади?

Бунга қандай эришилади ўзи? Сайловчиларнинг ўй-хаёллари кабинетда ўтириб эмас, жойларга чиқиб, асл ҳолатни ўз кўзи билан кўрмагунча ойдинлашмайди. Бир, икки мурожаат билан муаммолар ҳақида ҳулоса ҳам қилиб бўлмайди. Бежизга мамлакат миқёсида ҳам халқ билан бевосита мулоқот қилиш, унинг дард-у ташвишини, муаммоларини ижобий ҳал этиш бўйича тизим яратилмади, ахир. Тўғри, бугун ҳудудларимизда янгилар кўп, ўзгаришлар катта. Аммо одамларимизни ўйлантираётган, ечимини кутаётган масалалар ҳам бор. Шунинг учун ЎзХДП Марказий Кенгаши фаоллари, халқ депутатлари маҳаллий Кенгашлардаги депутатларимиз ҳудудларда ўрганишлар, назорат-таҳлил ишларини олиб бориб, депутатлик назоратини ўрнатишга алоҳида эътибор қаратмоқда.

Унга кўра, камбағалликни қисқарттириш, бандликни таъминлаш, инвестицияларни жалб этиш, ногиронлиги бўлган шахсларни қўллаб-қувватлаш, пенсия тайинлаш жараёнидаги масалалар, таълимни ривожлантириш соҳасидаги муаммоларни ҳал этиш ҳолати, аҳолини арзон уй-жой билан таъминлаш ҳамда субсидияларнинг ажратилиши бўйича амалга оширилган ишлар ўрганилиши кўзда тутилган эди. Бу албатта яхши механизм, деб ишонч билан айтиш мумкин.

Ўзбекистон Халқ демократик партияси фракцияси ва партиа Марказий Кенгаши вакиллари аҳоли муаммоларини таҳлил қилиш ва уларга самарали ечимлар таклиф этиш мақсадида Бухоро вилоятида ўрганишлар олиб борди. Фаолларимизнинг айтишига қараганда, бевосита мулоқот, юзма-юз учрашувларнинг таъсир кучи янада кўпроқ бўлди, сезиларли натижалар кўзга ташланаяпти. Чунки жонли суҳбатлар давомида мурожаатга, қоғозларга сиғмай қолган тафсилотлар ойдинлашмоқда. Масалалар бўйича янги ва қўшимча маълумотлар юзга чиқмоқда.

Хўш, натижалар, ҳулоса ва таклифлар ҳақида яна нималар дейиш мумкин? Ишчи гуруҳи таркибида вилоятнинг шаҳар ва қишлоқларида бўлиб, сайловчиларнинг хоҳиш-истакларини ўрганган, муаммоларни ўз кўзи билан кўрган партиямиз фаоллари ушбу саволимизга жавоб беришди:

## ПАРТИЯ ЭЛЕКТОРАТИ БИЛАН 125 ТА УЧРАШУВ ТАШКИЛ ЭТИЛДИ

**ЖОРИЙ ЙИЛНИНГ ЯНВАРЬ ОЙИДА ФРАКЦИЯ АЪЗОЛАРИ ВА ПАРТИЯ ВАКИЛЛАРИ БУХОРО ВИЛОЯТИНИНГ 11 ТА ТУМАН ВА 2 ТА ШАҲРИДА ЎРГАНИШЛАР ЎТКАЗДИЛАР. АҲОЛИ ВАКИЛЛАРИ, ПАРТИЯ ЭЛЕКТОРАТИ БИЛАН 125 ТА УЧРАШУВ ТАШКИЛ ЭТИЛИБ, УЛАРДА 3 МИНГ НАФАРДАН ЗИЁД КИШИ КАМРАБ ОЛИНДИ.**

Маҳаллий Кенгашлар депутатлари ва партиаларнинг ҳудудий тузилмалари раҳбарлари билан ҳам мулоқот қилинди. Жамиятда маҳаллий Кенгашлар ва партиа ролини янада кучайтириш, улар ўртасида соғлом рақобат муҳитини шакллантириш бўйича фикрлар олинди.

Ўрганишларда партианинг сиёсий мафқураси ҳамда электротизим манфаатидан келиб чиқиб, туман, шаҳар ва маҳаллагача тушилган ҳолда ишларни ташкил этишга алоҳида эътибор қаратилди.

Хусусан, ногиронлиги бўлган шахсларни қўллаб-қувватлаш, пенсия тайинлаш жараёнидаги масалалар, инклюзив таълимни ривожлантириш соҳасидаги муаммоларни ҳал этиш ҳолатига алоҳида ургу берилди.

Учрашув ва мулоқотлар давомида "Атроф-муҳитни асраш ва "Яшил" иқтисодиёт йили" Давлат дастури лойиҳасида белгиланган мақсад ва вазифаларнинг аҳамияти етказилди. Шунингдек, партиямиз Сайловолди

дастуридаги масалаларнинг бажарилиши юзасидан жамоатчилик хабардор қилинди, жамоатчилик муҳокамасига қўйилган Давлат дастури лойиҳаси бўйича электротизим фикри ва таклифлари олинди.

Шунингдек, учрашувларда партиа фракцияси аъзолари томонидан жойларда ислохотлар бориши ҳолатининг ўрганилиши партиа Сайловолди дастури амалда бажарилишининг ифодаси бўлаётганлиги, партиа ташкилотларининг раҳбарлари фаоллиги ошиб, электротизим олдидаги масъулиятини теран ҳис қилаётганлиги қайд этиб ўтилди.

Давлат дастури кенг жамоатчилик муҳокамасига қўйилиши жамият ва давлат ҳаётига дахлдор муҳим масалаларни ҳал этиш борасида халқимиз билан келишилаётгани демократик ёндашув сифатида баҳоланиб, ушбу ҳужжатнинг халқчиллигини таъминлашга хизмат қилиши алоҳида таъкидланди.



# АМАЛИЙ ЁРДАМ

2024 йилнинг декабрь ҳолатига бюджет ташкилотларининг ижтимоий солиқ қарздорлиги вилоят бўйича 58 та ташкилотда 1156,0 млн. сўмни ташкил қилмоқда...

чиқиш, тизимнинг молиявий барқарорлигини таъминлаш ва аҳоли қамровини ошириш масалалари анчайин долзарб экани сир эмас...

Дастурий мақсадларимизга ҳамоҳанг ва бевосита электоратимиз манфаатлари билан боғлиқ бўлгани учун пенсия тайинлаш борасидаги ишлар ҳолатини Қоракўл тумани мисолида ўргандик...

томонидан маблағ тушириб берилмаганлиги пенсия тайинлашда муаммоларни келтириб чиқармоқда...

## ВИЛОЯТДАГИ МАКТАБЛАРДА ВАЗИЯТ ҚАНДАЙ?

**Муслиҳиддин НИЗОМИДДИНОВ,**  
ЎзХДП Марказий Кенгаши ходими, депутат:

– Бухоро вилоятида 577 та умумтаълим мактаби фаолият юритмоқда. Шундан 547 таси давлат, 30 таси нодавлат умумтаълим мактаблари ҳисобланади...

Вилоятда 2 118 та мактабгача таълим муассасаси фаолият юритмоқда. Шундан 488 таси давлат, 1630 таси нодавлат (21 та хусусий, 108 та ДХШ, 1501 та оилавий) мактабгача таълим муассасаси ҳисобланади...

Сўнги уч йилда мактабгача таълим ёшидаги болаларнинг таълимга қамраб олиниши 73 фоиздан 86 фоизга етказилди...

2024 йилнинг ўзида ҳудудий инвестиция дастури доирасида Бухоро вилоятидаги 38 та умумтаълим мактабларида қурилиш-таъмирлаш ва жиҳозлаш ишлари амалга оширилган...

10 та мактабгача таълим муассасаси, шундан 1 та мактабгача таълим муассасаси янги барпо этилган, 9 таси реконструкция қилинган...

Шу билан бирга, таълимни ривожлантириш борасида Бухоро вилоятида айрим муаммолар мавжудлиги ҳам аниқланди. Жумладан, мактабгача таълим муассасаларида болани таълимга тайёрлаш ва уни психо-эмоционал ривожланиши учун дидактик ўйинлар билан шугулланиши учун интерактив доскалар мавжуд эмас...

Умумтаълим мактабларида физика, кимё, биология ва технология фанларида лаборатория хоналари ва жиҳозлари етишмайди, ҳатто айримларида лаборатория хоналари мавжуд эмас...

Мисол учун, Когон тумани мисолида оладаган бўлсан, мавжуд 25 та мактабнинг физика лаборатория хоналари жиҳозланганлик даражаси 41 фоизни, кимё лаборатория хоналарининг жиҳозланганлик ҳолати ўртача 36,8 фоизни, биология лаборатория хоналари жиҳозланганлик даражаси 28,4 фоизни ташкил қилади...

Инвестиция дастури орқали умумтаълим мактабларида амалга оширилган қурилиш ва таъмирлаш ишларида шаҳарсозлик меъёрлари ва қурилиш стандарт талабларига эътибор қаратилмаган...

Бундан ташқари, мактаблардаги коммуникация воситалари, иситиш, совутиш, ёритиш тизимларининг ишлашдаги муаммолар кўп ҳолларда соғлом ўқув муҳити яратишга тўққинлик қилади...

Ишчи гуруҳи назорат-таҳлил ишларини Олот туманида ҳам ўтказди. Тумандаги 8, 5, 24-умумтаълим мактабларининг фаолияти билан танишдик. 8-умумтаълим мактабида 230 нафар ўқувчи тахсил олмоқда...

“Нуробод” маҳалласидаги 5-умумтаълим мактабини кўздан кечириганимизда бино жуда эски, моддий-техника базиси ҳам яроқсиз ҳолга келиб қолгани маълум бўлди...

Ҳар томонлама баркамол авлодни voyга етказиш вазифаси олдимизда турган экан, мактабларнинг моддий-техника базисини яхшилаш, ўқувчилар учун барча шароитларни яратиш масаласини энг олдинги ўринларга қўйишимиз керак...



**Ирина КОТОВА,**  
ҳалқ депутатлари Бухоро вилоят Кенгашидаги ЎзХДП депутати:

– Аслида, камбағалликка барҳам бериш жуда катта қамровга эга бўлган масала ҳисобланади. Бунда кимгадир ижтимоий нафақа ёки уй бериш билан муаммо ўз-ўзидан ҳал бўлиб қолмайди...

Фикрларимизни Олот тумани мисолида давом эттираман. 2025 йилда дастурда белгиланган чора-тадбирлар орқали туманда 736 та оилани, 3370 нафар аҳолини камбағалликдан чиқариш режалаштирилди...

Хусусан, 243 нафар тадбиркорларга имтиёз бериш орқали (саноат, савдо, тўқимачилик, умумий овқатланиш, паррандачилик, касаначилик, электро-техника, транспорт) камбағал оила аъзолари ишга жойлаштирилади...

**» ФИКРЛАРИМИЗНИ ОЛОТ ТУМАНИ МИСОЛИДА ДАВОМ ЭТТИРАМИЗ. 2025 ЙИЛДА ДАСТУРДА БЕЛГИЛАНГАН ЧОРА-ТАДБИРЛАР ОРҚАЛИ ТУМАНДА 736 ТА ОИЛАНИ, 3370 НАФАР АҲОЛИНИ КАМБАҒАЛЛИКДАН ЧИҚАРИШ РЕЖАЛАШТИРИЛДИ.**

## КАМБАҒАЛЛИКНИ ҚИСҚАРТИРИШ

2022 йилдан бошлаб мамлакатимизда камбағалликни қисқартiriш мақсадида аҳолини иш билан таъминлашга алоҳида эътибор қаратилмоқда. Худудларда камбағаллик даражасини қисқартiriш, кичик бизнес ва оилавий тадбиркорликни фаол қўллаб-қувватлаш, аҳолини касбга ўқитиш тизimini такомиллаштириш ҳамда муҳтож қатламни манзилли қўллаб-қувватлаш умуммиллий ҳаракат сифатида белгиланди...

Одамларга ёппасига кредит бериш ёки пул тарқатиш билан камбағалликни енгиб бўлмаслигини исботлашга ҳожат йўқ, албатта. Аксарият камбағал оилаларда меҳнатга лаёқатли инсонларимиз бор...

Мазкур йўналишдаги ислохотлар, уларнинг самарасига ҳам узоқ тўхталиш мумкин, ammo мақсадимиз бу эмас... Биз Бухоро вилоятидаги ҳақиқий ҳолатга назар ташлаймиз. Камбағалликни камайтириш, аҳоли даромадларини ошириш бўйича олиб борилаётган ишлар ва уларнинг натижаларига тўختаламиз.

драйвер лойиҳаларини амалга ошириш орқали, 39 нафари касб-хунарга ўргатиш орқали бандлигини таъминлаш ҳамда 478 нафари бошқа хизматлар кўрсатиш орқали камбағалликдан чиқарилади...

Мисол учун, “Солақоровул” маҳалласида яшовчи, камбағал оила рўйхатида турувчи боқувчисини йўқотган фуқаро Наврўзова Моҳидил маҳалладаги 10-сон мактабгача таълим ташкилотига ёрдамчи тарбиячи вазифасига ишга жойлаштирилиб, даромад манбаи яратилди...

Халқ депутатлари туман кенгаши депутати Жўрабек Абдурасулов билан бирга туманидаги Нуробод маҳалласида камбағалликни қисқартiriш бўйича олиб борилаётган ишларни ўргандик. Маълум бўлишича, Нуробод маҳалласида ҳозирги кунда 17 та оила камбағал оила ҳисобланади. Бу оилаларни камбағалликдан чиқариш бўйича чора-тадбирлар белгиланган бўлиб, уларнинг ижроси бўйича таклиф ва тавсиялар бердик.

\*\*\*  
Рақамлардан кўришиб турибдики, жойларда ечимини кутаётган масалалар оз эмас. Тўғри, улар баъзида аччиқ, ammo рўй-рост сўзлар. Фуқароларни ўйлантираётган ижтимоий масалалар қай даражада самара ва натижа бераётгани депутатлик назоратини олиб бериш давомида янада яққол, аниқ кўринади...

Аввало, депутат назорат ўрнатаётган масалани чуқур ўрганиши, ҳудуддаги факт ва рақамларни таҳлил қилиш учун эса барча йўналишдаги иқтисодий кўрсаткичлардан бохабар бўлиши талаб этилади. Ўрганилган муаммоларнинг сессияларда муҳокама этилиши масаланинг илдиизига янада чуқурроқ етиб бориш, уларни бартараф этишга қаратилган таклифларнинг кўпайишига хизмат қилади. Бу кўзга кўринмас тўсиқларнинг олиб ташланишига, мутасаддиларнинг эътибор марказидан четда қолиб кетаётган муаммоларнинг сув юзига қалқиб чиқиш, бартараф этилишига йўл очади, деган умиддамиз. Партияимизнинг ушбу ташаббусидан кўзланган мақсад ҳам аслида шу. Бу орқали маҳаллий Кенгашга амалий ёрдам қилиш, барча даражадаги партия ташкилотлари ишини жонлантириш ҳам кўзда тутилганини таъкидлаш жоиз.

**Қўш саҳифани “Ўзбекистон овози” муҳбири Лазиза ШЕРОВА тайёрлади.**





